

SCHELDE, JIE MACHTIGE STRÔÔM

REFREIN

Schelde, o Schelde, jie machtige strôôm
Joe waoter mee slikk'n in diek'n omzôômd
Schelde , o Schelde, jie machtige strôôm
T'is bie joe dad'k ut liefste ôôr

Ik stieng op de diek mee de wind in m'n aor

An'k oov'r ut waoter nao skeep'm staor
Dan voel ik me blie-e, dan voel ik me riek
Dao boven op joe Scheldediek

REFREIN

Joe kabbelend waoter bie westenwind

T'is dao wao de veuhel z'n haodieng vind
Dan ôôr je éél stille in kom je tot rust
Dao bie joe schôône Scheldekust

REFREIN

Soms as er de zwaore noordwester woed

In golven de diek'n bedreihen doet
Dan voel je je kleine, ei j'angst vôô de nacht
In eerbied vôô z'n grôôte kracht

REFREIN

De golf van un schip in den'aovendstond

In t' west'n de zonne in t'waoter zonk
Oek zag ik wa lichtjes van een grôôte stad
Een têek'n van de naodrende nacht

REFREIN

Een vuurtôôr'n draoit mee z'n zwaiend licht

Een lamp' op un bôôtje is oek in zicht
De nacht is hevall'n, de Schelde gao vôort
Tot er de vroege n' ochtend glôort

REFREIN

Tekst en melodie. Jan Hamelink. Januari 2009